

可憐伊大道不離方寸地工夫細密有行持  
非存思非舉意非是身中運精氣一關要鎖  
百關牢轉身一路真容易無心之心無有形  
無中養就嬰兒靈學仙學到嬰兒處月在寒  
潭靜處明枯木生花却外香海翁時與白鷗  
盟片餉工夫容易做大丹只是片時成執著  
奇言并怪語萬千譬喻今如許生也由他死  
由他只要自家做得主空中雲也可縛水中  
月也可捉身心兩箇字是火也是藥龜蛇烏  
兔總閑言夫婦男女都颺却君不見虛无生  
自然自然生一炁一炁結成物炁足分天地  
天地本無心二炁自然是萬物有榮枯大數  
有終始會得先天本自然便是性命真根蒂  
道德五千言陰符三百字形神與性命身心  
與神炁交媾成大寶即是金丹理世人多執  
著權將有作歸無作猛烈丈夫能領畧試把  
此言閑處嚼若他往古聖賢人立教化人俱  
不錯況能薦直逕路行一條直上三清閣三  
清閣下一團髓晝夜瑤光光燦燦雲谷道人  
仙中人骨氣秀茂真磊落年來多被紅塵縛

六十四年都是錯開塵垢眼豁開長嘯一  
聲歸去來神仙伎倆無多子只是人間一味  
呆忽然也解到蓬萊武夷散人與君說見君  
真箇神仙骨我今也不鍊形神或要放顯或  
放劣寒時自有丹田火飢時只喫瓊湖雪前  
年仙師寄書歸道我有名在金關問名落世  
取不迴而今心行尤其乖那堪玉帝見憐我  
詔我歸時未肯哉

祈雨歌

天地曠日月替人間亢旱不為雨山河憔悴  
草木枯天上快活人訴苦待吾騎鶴下扶桑  
叱起倦龍與一斧奎星以下亢陽神縛以鐵  
扎送鄧府驅雷公役電母須臾天地間風雲  
自吞吐歛火老將擅神武一滴天上金瓶水  
滿空飛線若機杼化作四天涼掃却天下暑  
有人饒舌告人主未幾尋問行雨仙人在長  
江一聲槽

修真十書上清集卷之三十九

修真十書上清集卷之四十

海南白玉著

題武夷

不見虹橋接幔亭空餘水綠與山青客來別  
出此奇勝五曲溪頭大隱屏

其二

龍驤仙掌巖頭水鶴唳幔亭峯上雲但得明  
窻臺一七躍身去謁武夷君

其三

芳草暗分流水綠老松剛借遠山青獨拈鐵  
笛溪頭立吹與洞中仙子聽

其四

顯道真人去不回幔亭不見舊樓臺曾孫倚  
著寒松立日落風悲樣自哀

其五

山聳千層青翡翠溪流萬頃碧琉璃遊人來  
此醉歸去幾箇親曾到武夷

題紫芝院

武夷山前嘯一聲雲愁霧慘野猿驚闌披破  
衲藏風月醉把葫蘆禁鬼神杖弄銀蟾攪天

地衣烹金鼎煮星辰睡酣不覺機關路身是  
紅光火一輪

題鄭通妙方丈

無爭之慕兩三局自勸之酒一二盃但且任  
麼隨俗過丹成雲鶴自然來

九曲雜詠

一曲昇真洞

得得來尋仙子家昇真洞口正峰衙一溪春  
水漾寒碧流出紅桃幾片花

二曲玉女峯

插花臨水一奇峯玉骨瓊肌處女容煙袂霞  
衣春帶雨雲鬟霧髮曉梳風

三曲仙機巖

織就霓裳御冷風玉梭隨手化成龍天孫歸  
去星河畔滿洞白雲機杼空

四曲金雞巖

水滿寒潭渾渾看月山藏空谷正吞煙金雞初  
報洞中曉唳一聲飛上天

五曲鐵笛亭

滿天沈澹起清風白鶴飛來上翠松月冷山

空吹鐵笛一聲喚起玉龍龍

六曲仙掌峯

仙子捫蘿上翠巖巖頭舊有鍊丹臺至今石  
上留仙掌十指春葱積綠苔

七曲石唐寺

高僧參透趙州禪杖寺移歸堯寧天天聖二  
年二月朔一宵雷雨撼山川

八曲鼓樓巖

萬丈高巖聳石樓雲疊煙捕噉寒流慢亭昔  
聚曾孫宴石鼓擎歸古渡頭

九曲新村市

落日移舟上碧灘桃花林外見青山耳邊忽  
爾聞雞犬不遇劉郎不肯還

九曲棹歌十首

武夷

三十六峯真絕奇一谿九曲碧漣漪白雲遮  
眼不知處誰道神仙在武夷

一曲

幔亭峯下泛仙船洞口瓊花瑣翠煙一自魏  
王歸絳闕至今哀怨嶺頭猿

二曲

山下于今幾代孫當時簫鼓寂無聞丹爐復  
爾生春草玉女峯前空白雲

三曲

仙船停棹架巖頭黃鶴歸天今幾秋滿洞桃  
花人不見一溪綠水為誰流

四曲

萬頃秋光無著處滿潭清水瑩青銅金雞叫  
落山頭月漠漠寒煙颯颯風

五曲

聞道誰吹鐵笛聲石崖轟裂老龍驚當年人  
已眼丹去千古荒亭秋草生

六曲

仙掌峯前仙子家客來活水煮新茶主人遙  
捐青煙裏瀑布懸崖剪雪花

七曲

寂寂秋煙瑣碧灣往年此地有禪關水神移  
入龍宮去一夜風雷吼萬山

八曲

幾點沙鷗泛碧流蘆花兩岸暮雲愁鼓樓巖

下一聲笛驚起梧桐飛葉秋

九曲

山市晴嵐天打圍一村雞犬正殘暉稻田高  
下如碁局幾點鴉飛與鷺飛

武夷有感十一首

春

雨霽煙凝正夕陽子規啼斷幾人腸東風不  
動些情思無限落花春自香

夏

鶯喚綠楊抽嫩葉蝶催碧藕發新花颯然一  
點薰風至日落山前噪亂鴉

秋

雨餘秋蘚幾堆錦日出朝葵千簇金對景適  
然發清嘯野猿驚泣綠楊深

冬

幾尺雪藏山逕暮一枝梅簇洞門春溪頭昨  
夜水寒綠風捲彤雲發曉暝

曉

風吹萬木醒樓鶻月落西山啼斷樓雲捲翠  
微深處寺一聲鐘落碧巖前

暮

碧雲紅樹晚相間落日亂鴉天欲昏人去採  
芝不知返草廬空自掩柴門

行

雨脚初收起暮煙芒鞋竹杖翠林邊東風解  
發陽春意放出落花啼鳥天

住

月冷風清三逕竹猿啼鶴唳一窻雲開門放  
入前山翠試把星兒柏子焚

坐

千山猿叫月如晝萬籟風號天正秋霧濕蒼  
苔煙漠漠白雲飛夢過瀛洲

臥

巖下煙深人不來白雲寂寂掩蒼苔松花落  
地鳥聲寂一枕清風送夢回

結末

道人心與物俱化對景無思詩自成詩句自  
然明造化詩成造化寂無聲

題精舍

到此黃昏颼颼風巖前只見藥爐空不堪花

落煙飛處又聽寒猿哭曉翁

臨安天慶陳道士遊武夷以頌贈之  
七闌多山水兩淮好風月瀟湘之煙雲巴廣  
之雨雪收拾歸武林細與令師說

詠雪

青女懷中釀雪方雪兒為麴露為漿一朝雪  
熟飛廉醉駁得東風一夜狂

題凝翠閣

日射新苔鑄綠錢山聳花屏草刺薊刺把苔  
錢買風月山屏低擁草籠眠

題西軒壁

隨身風雨幾清閑不做人間潑底官朝飲一  
壺朱鳳髓暮餐八兩黑龍肝打開俗網了無  
事縛住時光自駐顏昨夜夢回天上去瓊樓  
玉闕不勝寒

贈潘高士

冬至鍊朱砂夏至鍊水銀常使居士釜莫令  
鉛汞分子母既相感火候常溫溫如是既久  
久功成昇紫雲

又

龍虎戰百六鳥兔交七九坎離直寅申艮巽  
司卯酉一粒同朱橘千古永不朽八月十五  
夜三盃冬至酒

贈趙縣尉

半斤雷火燒紅杏一滴露珠凝碧荷錦帳中

間藏玉狗寶瓶裏面養金鷄鉛花朶朶開青  
藥汞葉枝枝發絳柯莫問嬰兒并蛇女等閒  
尋取舊黃婆

贈趙翠雲

金公蛇女到黃家活捉蒼龜與赤蛇偃月爐

中烹玉藥朱砂鼎裏結金花奔歸氣海名  
驥飛入泥丸是白鴉昨夜虎龍爭戰後雪中  
微見月鈎斜

贈雷怡真

地魄天魂日月精奪來鼎內及時烹祇行龜

鬪蛇爭法早是龍吟虎嘯聲神水華池初匹  
配黃芽白雪便分明這些是飲刀圭處漸漸  
抽添漸漸成

贈黃亭虞丈

修爵固當修天爵選官何似選天官青騶走

過皇都易白鶴飛來絳闕難

贈陳孔目

製錦堂前萬事閑掉頭來入武夷山當年种  
放如能學白鶴青雲也不難

贈陳先生

烟烟雙眸古老錐手提向上大鉗鎚暮然暮  
著鍾離老捉住長髯問是誰

木人手裏揮泥劍石女頭邊帶鐵花龍漢元  
年冬上已相逢一盞趙州茶

翻身趕倒玉葫蘆神水華池一夜枯幕地夜  
行見月影水晶盤裏走明珠

修真十書上清集卷之四十

修真十書上清集卷之四十一

海南白玉塘

滿江紅

憶昔秦時中秋日武夷九曲煙寂寂斜陽數  
尺寒鴉枯木三十六峯凝曉翠一溪流水生

秋綠正滿林桂子散天香飛金粟 神仙客  
金丹熟玉詔下雲生足石頭新換骨尚粘紅  
肉夜半月華明似畫玉皇降輦鋪散鍊芙蓉  
孫回首慢亭前空松竹

念奴嬌

廣寒宮裏散天花點點空中柳絮是處樓臺  
皆似玉半夜風聲不住萬里鹽城千家珠瓦

無認蓬萊處但呼童且去探梅花攀那樹  
垂簾未敢掀開窺兒初捏就見佳人偷覩溪  
畔漁翁羨又重幾點沙鷗無語竹折庭前松  
僵路畔滿目都如許問要晴更待積痕消須  
無雨

水調歌頭

二月一番雨昨夜一聲雷鎗旗爭展建溪春  
色占先魁採取枝頭蒼舌帶露和煙搥碎鍊